

萊州府志卷之十五

賦

齊都賦

魏 徐 幹

齊國實坤德之膏腴而神州之奧府其川瀆則洪河洋洋發源  
崑崙驚波沛厲浮沫揚奔南望無垠北顧無鄂兼葭蒼蒼莞菰  
沃若瑰禽異鳥羣萃乎其間帶華 枝葉垂丹應節往來翕  
習翩翻靈芝生乎丹石發翠華之煌煌其 則玄蛤抱璣駁  
蚌含璫構厦殿以宏覆起層榭以高驤龍楹螭栊山岳雲牆其  
後宮內庭嬪妾之館衆偉所施極巧窮變然後修龍榜遊洪池  
折珊瑚披琉璃日既返而西 乃反宮而棲遲歡幸在側便嬖  
萊州府志 卷十五 藝文 賦 七十六

萊州府志

卷十五

藝文 賦

七十六

侍隅含清歌以詠志流玄眸而微眄竦長袖以合節紛紛翻其  
輕迅王乃乘鸞王之輅 玄 之駿武騎星散征鼓雷動旌旗  
虹亂盈乎靈圃之中於是羽旌咸興毛羣盡起上蔽穹庭下被  
臯藪

萊城賦

明 龍文明

東萊古郡夙號四塞墉隍歲歷久焉圯淤澄海波於清晏思備  
禦之宜籌資羨賦以更新用恢拓而制度事既不妨於業力又  
不廢平時經始己亥勿亟是求落成辛丑膚功以奏爰此求寧  
之德意遙觀神速之宏模美哉山河之固金湯之偉也遂爲之  
賦其辭曰繫設險以守國剏金湯而作京雉維藩以扞圉務壯

麗於干城內庸保障乎黔度外實式遏乎禍萌嘻頽蝕而不治  
疇耆定以維寧維萊望郡寧海巨衝於維我明建國樹城雉櫓  
星列塞堡雲屯七國環峙九衢縱橫二百越禩雍熙泰平循因  
仍之故跡忽整頓而寡營方城半撤於風雨埤堦盡剝於塹阬  
乃溟海兮其伊邇奈鯨波兮其獍豸敢恃陋而不固昧守國之  
善經爰相爰度載升載登鳩庀群材廣厲百工蠲吉托始百堵  
聿興採鑿於山白石粼粼陶冶於穴甗甗綦綦撤屬垣之舊宇  
弘美麗於維新爾其爲狀也屹爾壁立巋然靈光弘衍門扃環  
列周牆奠石如麓締基斯皇髡築如巖縹緲逼蒼海旭曙啟虞  
淵蒼茫排高空而上出若游目於天閭疏九通之廣路立四達

之通門左據大基墜星之巘崿表以寒同馬鞍之山右界蜉蝣  
優游之島嶼帶以白沙上官之川群山之秀錯落而周遭衆流  
之隈汧湧而互匝金城九仞嵯峩穹窿玉壘千尋昭回雲峯凝  
睇而望目眩龍嵒躡屐而陞手挹日星平臨大荒實壑實墉下  
瞰原隰迺理迺宗維厥湯池延袤淵瀆潏洄透邇穀璨綺分紅  
蕖翠苻雜以芳蘋紫貝玄龜並躍游鱗聿起飛樓敞軒聳麗窻  
牖洞開扃闔通蔽蕙櫨蘭橈鳥翬斯翼觚稜果戩熒煌金碧神  
爵爭歸聆臯肆戾丹雲覆楹涼颺拂衝隅列干櫓合以龍盾峻  
嶒峻整矯焉飛隼載棗旅弓肆陳畫戟挹家之威藩屏之極美  
盛代之巍巍昭崇明之翼翼寢海氛之窺萌杜山魑之狂譎苞

千禩以如磐護萬象以底戢於休哉滄渤之隩區吁嗟乎古齊之巨麗也亂曰土宇阪章兮幅幘旣廣山谿險固兮提封如昉維茲新墉兮萬代瞻仰地利備至今甲於昔曩爰泣茲土兮焦勞生養輯寧黎元兮比於擊壤人和聚順兮昭明高朗威嚴樹的兮順治不罔萬有千祀兮佐鎮東垞

漱玉泉賦

孫承恩

源源乎門村漱玉之泉兮熒熒其清吾不知其所自兮何年神工鬼斧鑿出瑤華精織無塵滓兮拭鏡明跳珠噴雪碧擁飄灑兮丹崖翠壁迥乎若相縈但見紅日掩低垂長虹掛遙碧深涵玉字澄光晶味甘若飴兮宜香茗潛湧如躍吐飛瓊萊山數點

萊州府志

卷十五

藝文賦

七十八

青未了玻瓈晃漾影浸乎虛明上以供千門廛市之吸食下以漑萬頃品物之生成是爲四民之托處兮樓閣參差迎棖栢而相仍離離稼穡滿其下薰風鼓舞日荂榮佳樹陰森而龍苳兮紛林霏以四藹滄蔚翳以上蒸四時佳景同光映百木萋菲競分爭瀦爲浩浩之川兮遠近長克溢激爲滾滾之波兮旦夕無停聲彷彿蛟龍隨幻化散作甘霖遍八紘吾常愛其滋禾稼之巍巍澤桑麻之芄芃清致靡不宜兮殘蟾餘魄半西照暘烏微影初東升間關啼鳥不時至幽花野草難爲名落霞與孤鶩齊飛向晚晴臨流恣遐覽遊水去去無留停煙空雲散沉寂靜冷冷入耳秋風生問渠胡爾清如許謂是活水悠悠脉通萬里銀

河傾所以壯膠東之形勢兮乃爲民利之絕勝高山峭壁徒崢嶸

勞山賦

國朝 張謙宜

粵奧區之秀靈迺遠宗夫青嶽盤地肺以爲根勢嶢嶢其森矗  
魄磅礴以旣東專支條於大陸蜿蜒橫開八百餘里帶名城者  
數數輪菌菌乎未舒群山鬱其相屬天地翕而復凝忽濶然而  
神變茫塊圯兮無垠包畿輦者千萬紛挺拔兮遙青勢高壓乎  
寓縣鎮全齊之坤軸獨巍然而峭蒨廣袤幾盈四百當溟渤之  
三面雲掩靄以合沓蜺橫拖而中斷通箭括兮若無門削劍鏑  
兮在天半谷嚶嚶兮聞雷鬻熠熠兮掣電若迺晴霞倒映如錦

萊州府志

卷十五 藝文賦

七十九

如虹散黛螺兮勾結積翡翠兮連藂旣射嵐而抗嶺忽破峽以  
攢峯旁羅旂纛側摻芙蓉氤氳儵忽莫可殫窮及夫石骨峻嶒  
經冬積雪剡玉標以貫斗練綃窟而貯月光交射兮晶瑩瑩影  
迴薄兮寒冽冽於是迺有書帶蒼紋冬青丹纈耀素天以楊葩  
綴粉坻而覃節媚陽崖兮落繽紛艷陰尚兮香幽絕逮乎土脉  
春融泉液夏交則有稻秫之利菓樹之饒文松雲梓剛栢芳椒  
風梨海棗苦密密有苦者  
乃是大藥冰膏巨峯陰崖  
往往有之栗乙枚而覆斗榛百  
穎以含苞來禽楂奈薯蕷葡萄又有百藥之荊萬蔬之苗蒸薪  
冶炭刀貝分曹至於金銀秘礦砂汞仙巢蓋造化所葆嗇豈愚  
氓所能遭山間四序有復必剝浮煙淨繁花落雨霖霖而滌崑

颯颯以吹壑氣澹神清倘乎寥落爾乃招隱淪結逸客斬霜

筇發魚筴相與遊曲磻越廣陌每入林而低迷術莫分乎南北

蓋一磴而九折或十步而五息涉雕化地名之口入蓮臺寺名之磧

乃有華樓名直上削方萬尺巔松十圍蟠生如櫛前有紫雲樓名

後對黃石羽客之宮藏其諫書前侍御藍田以諫大禮與楊升菴同杖紫雲樓其晚年著書處

滄浪泚其詞筆前廷評趙任與李于鱗齊名此外則白馬遺宮

青牛舊宅墘倒懸於厂間那羅延佛窟有青石墘倒蘸海波中墩拍浮於潮汐八仙

墩石皆五采圓中規繩海水汜漲亦不沒疇邇斤而剗山孰凌波而布蓆骨脫何以

崩巖雲崑子脫在華樓陡崖中丹成奚其毀室古有仙人以汞銀濟貧名曰接糧葺今石壁皆赤傳是爐

火燒宅以避人雖方術之異流何靈蹟之不測於是興極思溢反乎別

萊州府志

卷十五

藝文賦

路緣索徐行尤擔爭步下捲驚濤眩瞽却顧蓋逼仄之塗窮乃

躋夫巨峯之高處其為狀也隆隆從從萬巒爭附實太乙之中

樞縮分支之回互仰摘星辰俯瞰風雨儼鬼神所戍衛常似煙

而非霧迴風旋為傾洞兮見朝鮮之薺樹氣翳翳而復合兮莽

鱗皺其如故上下四十五里與泰山相割據顧或玉書絕迹金

檢無聞豈寂寞之鄉難為顯抑荒怪之士所弗尊是以秦皇罷

其刻頌漢武息其蒲輪竊謂後代緣飾所不加茲山乃以存其

真吁嗟乎何為緱氏東來之陋迹忽相傳有大人載詠歌曰攀

絕巘兮躡飛煙龍魚灑灑兮滙百川羌躊躕而獨立懷太始兮

心悄然若幽棲兮注蟲箋曷杳杳兮終無傳倚扶桑而釣巨鼈

兮空託詠於名山

萊州府志

卷十五

藝文  
賦

八十一

詩歌

飯牛歌

周甯戚

南山斫白石爛生不逢堯與舜禪短布單衣適至鼂從昏飯牛  
薄夜半長夜漫漫何時旦

滄浪之水白石粲中有鯉魚長尺半敝布單衣裁至鼂清朝飯  
牛至夜半黃犢上坂且休息吾將捨汝相齊國

出東門兮厲石斑上有松栢青且闌麤布衣兮緼縷時不遇兮  
堯舜主牛兮努力食細草大臣在爾側吾當與爾適楚國

齊臺歌

晏嬰

景公起大臺之役歲寒不已國人望晏子晏子見公迺坐飲

萊州府志

卷十五

藝文歌

八十二

酒樂晏子曰君若賜臣臣請歌之歌曰庶民之音云云歌終  
喟然流涕公止之曰子殆爲大臺之役夫寡人將速罷之  
凍水洗我若之何太上糜散我若之何

穗歌

景公爲長庖將欲羨之有風雨作公與晏子入坐飲酒致堂  
上之樂酒酣晏子作歌云云歌終顧而流涕張躬而舞公遂  
廢酒罷役不果成長庖

穗乎不得穫秋風至兮殫零落風雨之弗殺也太上之靡弊也

齊役者歌

景公築長庖之臺晏子侍坐觴三行晏子起舞曰云云舞三

涕下沾襟景公慙焉爲罷長庖之役

歲已莫矣而禾不穫忽忽矣若之何歲已寒矣而役不罷憊憊矣如之何

萊人歌

齊景公卒公子嘉公子駒公子黔奔衛公子鉏公子陽生奔魯萊人歌之

景公死乎不與埋三軍之士乎不與謀師乎師乎何黨之乎

雜詩

漢  
孔融

巖巖鍾山首赫赫炎天路高明曜雲門遠景灼寒素昂昂累世士結根在所固呂望老匹夫苟爲因世故管仲小囚臣獨能建

萊州府志

卷十五 藝文歌

八十二

功祚人生有何常但患年歲暮幸托不肖軀且當猛虎步安能苦一身與世同舉厝由不慎小節庸夫笑我度呂望尚不希夷齊何足慕

贈徐幹詩

魏  
曹植

驚風飄白日忽然歸西山圓景光未滿衆星燦以繁志士營世業小人亦不閒聊且夜行遊游彼雙闕間文昌鬱雲興迎風高中天春鳩鳴飛棟流焱激櫺軒顧念蓬室士貧賤誠足憐薇藿弗克虛皮褐猶不全慷慨有悲心興文自成篇寶棄怨何人和我氏有其愆彈射俟知已知已誰不然良田無晚歲膏澤多豐年亮懷璠璣羨積久德愈宣親交義在敦申章復何言

贈徐幹詩

劉楨

誰謂相去遠隔此西掖垣拘限清切禁中情無由宣思子沉心  
曲長嘆不能言起坐失次第一日三四遷步出北寺門遙望西  
苑園細柳夾道生方塘含清源輕葉隨風轉飛鳥何翻翻乖人  
易感動涕下與衿連仰視白日光皦皦高且懸棘燭八絃內物  
類無頗偏我獨抱深感不得與比焉

春日望海

唐太宗

披襟眺滄海憑軾翫春芳積流橫地紀疏派引天潢仙氣凝三  
嶺和風扇八荒拂朝雲布色穿浪日舒光照岸花分彩迷雲鴈  
斷行懷卑運深廣持滿守靈長有形非易測無原詎可量洪濤

萊州府志

卷十五

藝文詩

八十四

經變野翠島屢成桑之果思漢帝碣石想秦皇霓裳非本意端

拱且圖王

觀海

獨孤及

北登渤澥島回首秦東門誰尸造物功鑿此天地源瀕洞吞百  
谷周流無四垠廓然混茫際望見天地根白日自中吐扶桑如  
何捫超遙蓬萊峯想像金臺存秦帝昔經此登臨冀飛翻揚旌  
百神會望日群山奔徐福竟何成羨門徒空言唯見石橋足千  
年潮水痕

曉濟膠川南入密界

蘇頌

飲馬膠川上傍膠南趨密林遙飛鳥遲雲去晴山出落暉隱桑

柘秋原被花實慘然遊子寒風露將蕭瑟

和賀蘭判官望北海作

高適

聖代務平典輜軒推上才輅停溟海際曠望滄波開四牡未遑  
息三山安在哉巨鰲不可釣高浪何崔嵬湛湛朝百谷茫茫連  
九垓挹流納廣大觀異增遲迴日出見魚日月圓如蚌胎跡非  
想像到心似精靈猜遠色帶孤嶼虛聲涵殷雷風行越裳貢水  
遏天吳災攬轡隼將擊忘機鷗復來緣情韻騷雅獨立遺塵埃  
吏道竟殊用翰林乃忝陪長鳴謝知己所媿非龍媒

觀海

李嶠

習坎疏丹壑朝宗合紫微三山巨鰲湧萬里大鵬飛樓寫青山

萊州府志

卷十五

藝文詩

八十五

色珠含明月輝會因添露霧方遂衆川歸

送東萊學士王無競

陳子昂

寶劍千金買平生未許人懷君萬里別持贈結交親孤松宜晚  
歲衆木愛芳春已矣將何適無令白首新

勞山

李白

我昔東海土勞山餐紫霞親見安期生食棗大如瓜中年謁漢  
主不愜還歸家朱顏謝春輝白髮見生涯所期就金液飛步陞  
雲車願隨夫子天壇上閑與仙人掃落花

沙邱城

我來竟何事高臥沙邱城城邊有古樹日夕連秋聲

哀李邕

杜甫

長嘯宇宙間高才日凌替古人不可見前輩誰復繼憶昔李公  
存詞林有根柢聲華當健筆灑落富清製風流散金石追琢山  
嶽銳情窮造化理學貫天人際干謁走其門碑板照四裔各滿  
深望還森然起凡例蕭蕭白楊路洞澈寶珠惠龍宮塢廟湧浩  
劫浮雲衛宗儒俎豆事故吏思去計眇眇已皆虛跋涉曾不泥  
向來映當時豈獨勸後世豐屋珊瑚鈎麒麟織成罽紫騮隨劍  
几義取無虛歲分宅脫駮間感激懷未濟衆歸賙給羨擺落多  
藏穢獨步四十年風聽九臯唳嗚呼江夏姿竟掩宣尼袂往者  
武后朝引用多寵嬖否臧太常議面折二張勢衰俗凜生風排

萊州府志

卷十五

藝文詩

八十六

蕩秋旻霽忠貞負冤恨宮闕深旒綴放逐早聯翩低垂困炎厲  
日斜鵬鳥入翬斷蒼梧帝榮枯走不暇星駕無安稅幾分漢廷  
竹夙擁文侯簪終悲洛陽獄事近小臣斃禍階初負謗易力何  
深濟伊昔臨淄亭酒酣托未契重叙東都別朝陰改軒砌論文  
到崔蘇指畫流水逝近伏盈川雄未甘特進麗是非張相國相  
扼一危脆爭名古豈然鍵捷歛不閉例及吾家詩曠懷掃氛翳  
慷慨嗣貞作咨嗟玉山桂鍾律儼高縣鯨鯢噴迢遞坡陀青州  
血蕪沒汶陽塵哀贈竟蕭條恩波延揭厲子孫存如綫舊客舟  
凝滯君臣尚論兵將帥接燕薊朗咏六公篇憂來豁蒙蔽

詠田單

宋

王安石

溘王萬乘齊走死區區燕田單一卽墨掃敵如風旋舞鳥恠不  
測騰牛怒無前飄飄樂毅去磊砢功名傳掘葬與劓降論乃愧  
儒先深誠可奮士王蠋豈非賢

除日大雪留濰州元日行雪復作

蘇軾

除夜雪相留元日晴相送東風吹宿酒瘦馬兀殘夢葱朧曉光  
開旋轉餘花弄下馬成野酌佳哉誰與共須臾晚雲合亂灑無  
缺空鷺毛垂馬驥自恠騎白鳳三年東方早迹戶連欵棟老農  
釋耒歎淚入饑腸痛春雪雖云晚春麥猶可種敢怨行役勞助  
爾歌飯瓮

答王定民

自注王定民字佐才  
東萊人俊民弟也

萊州府志

卷十五

藝文詩

八十七

開緘奕奕滿銀鈎書尾題詩語更適八法舊聞宗長史五言今  
復擬蘇州華蹤好在留臺寺旂隊遙知到石溝欲寄鼠須拜蠶  
紙請君章草賦黃樓

過密州次韻趙明叔喬禹功

先生依舊廣文貧老守時遭醉尉嗔汝輩何曾堪一笑吾儕相  
對復三人黃雞唱曉淒涼曲白髮驚秋見在身一別膠西舊朋  
友扁舟歸釣五湖春

過萊州雪後望三山

東海如碧環西北捲蓬萊雲光與天色直到三山回我行適仲  
冬薄雪收浮埃黃昏風絮定半夜扶桑開參差太華頂出沒雲

溝堆安期與羨門乘龍安在哉茂陵秋風客勸爾麾一杯帝鄉  
不可期楚些招歸來

薄薄酒二首 并序

膠西先生趙明叔家貧好飲不擇酒而醉嘗云薄薄酒勝茶  
湯醜醜婦勝空房其言雖俚而近乎達故推而廣之以補東  
州之樂府既又以爲未也復自和一篇聊以發覺者之一噓  
云耳

薄薄酒勝茶湯麤麤布勝無裳醜妻惡妾勝空房五更待漏靴  
滿霜不如三伏日高睡足北窻涼珠襦玉柙萬人相送歸北邙  
不如懸鶉百結獨坐負朝陽生前富貴死後文章百年瞬息萬

萊州府志

卷十五 藝文詩

八十八

世忙夷齊盜蹠俱亡羊不如眼前一醉是非憂樂都兩忘  
薄薄酒飲兩鍾麤麤布着兩重羨惡雖異醉暖同醜妻惡妾壽  
乃公隱居求志義之從本不計較東華塵土北窻風百年雖長  
要有終富死未必輸生窮但恐珠玉畱君容千載不朽遭樊崇  
文章自足欺盲聾誰使一朝富貴面發紅達人自達酒何功世  
間是非憂樂本來空

大澤山

秦元似

古木巢遼鶴陰崖溜石泉登臨多意緒深邃好風煙嘯傲欣離  
俗徘徊覺近天熒煌逼霄漢疑是繼張騫

勞山 一名  
鰲山

金  
邱處機

卓犖鰲山出海隅，霏微靈秀滿天衢。  
群峯削螭幾千仞，亂石穿空一萬株。

獅子峯

鰲山東面海浮空，日出扶桑照海紅。  
浩渺碧波千萬里，盡成金色滿山東。

麓臺

元 張起巖

銀河漾漾淨天街，碧月輝輝照麓臺。  
臺上讀書燕太子，清光依舊向人來。

題晏子廟

郝采璘

荒城隱殘堞，老樹回清灣。  
東有齊相邱纍纍，處高寒誰知千載。

萊州府志

卷十五 藝文 詩

八十九

人此地遺巾，射圖齊豈不雄。  
詐力唯偏安四海，兵縱橫奈爾狐裘閑。  
不有莘野資王業，誠問關當年矮矮軀。  
氣凌星斗間存齊，賴世卿枉道羞申韓。  
憂民力忠懇激世揚清湍，才術終有餘雅儉。  
誰能班所恨，尼谿封昧聖，虧壁完猶能百世下。  
廟食羅豚肩，英覓眇何許，慘淡風煙殘。  
繁華一清夢，變滅餘江山，寥寥今幾世。  
往轍何當還，懷賢感益深，高歌歷膠灘。

四知臺

明 薛瑄

人間無處不天公，却笑黃金餽夜中。  
千載四知臺下過，馬頭猶目起清風。

庸生廟

王振宗

膠東大儒人不識至今遺像青山側  
荒祠寂寞幾經年澗草岩花自春色  
穹碑屹立當庭心篆文磨滅蒼苔深  
天寒日暮鳥聲絕黃葉瀟瀟風滿林

唐島

落日海門潮正長潮聲怒挾春雷響  
須臾雪浪駕天來銀練晴拖一千丈  
此時自覺心氣豪仗劍便欲屠神鼉  
狂波不起颶風息扁舟萬里堪遊遨

甯塚雙松

毛宗魯

歌牛人去眠長夜千秋埋玉荒原下  
墓前松老半無枝翁仲相對伴瀟灑  
龍髯時作風濤聲夕陽寒籟風中鳴  
牧童扣角前村

萊州府志

卷十五

藝文詩

九十

去雙松偃蹇蒼雲橫

觀海

毛紀

萬折鯨波此滙同千年元氣自鴻濛  
雲連遠漢寒煙碧天入扶桑曉日紅  
浩浩莫窮三島外茫茫誰障百川東  
乾坤大化無停息道體分明在眼中

謁庸生廟

敗屋頽垣帶薜蘿斷碑歲月記宣和  
而今祀祭鄉人少伊昔談經弟子多  
雨砌行蝸罍篆字風林啼鳥相絃歌  
我來仰止儀型在敬采蘋花酌澗波

再遊齋唐島

匡翼之

吾生直欲訪丹邱不憚乘桴續舊遊古徑竹深難見日水鄉殿  
晚易生秋昔逢樵子還青眼前渡仙郎已白頭正喜煙波開四  
面好於西北望龍樓

豹竹澗

官一夔

石澗風霜古蒼筠歲月深霧多藏豹變風細作龍吟白石同堅  
節青松識素心自從仙去後雲冷翠陰陰

咏太泉

秋水溪邊構小亭春來幾度晏遊停坐邀黃鳥一雙語門對寒  
山無數青鄭谷煙花多不暇習池風月豈曾醒淹留佳客渾閑  
事太史何勞報聚星

萊州府志

卷十五

藝文詩

九十一

歲寒軒

爲平度官熙  
載秀才歌

伍晏

舜揆楚楚人中龍百家六籍羅心曾剪茅誅土結書室窻前樂  
種竹與松吁嗟松竹無顏色子樂種之何所得紛紛白眼那得  
知請看凌寒好標格于時深山大澤龍蛇蟄于時雪花如掌大  
于席于時百鳥吞聲山鬼泣于時松孤貞于時竹動直團青結  
翠戰北風特立參天二千尺君不見玄都道士種桃花紅滋墜  
雨成泥沙又不見姚家魏家種牡丹秋風剪顏色寒何如子  
之松何如子之竹風雷起蛟龍晴濤振鳴玉截之可以爲笙韶  
柱之可以爲梁棟

海山亭次陳石亭韻

藍田

危坐高亭白眼空碧波萬里接天東層層海市微芒上點點齊  
山指顧中幾葉霸圖留往夢一番花信自春風濁醪輸與狂夫  
醉漁唱樵歌思不窮

勞山道中

携杖出南郊籃輿度晚山霜橫木葉脫風定海雲閑訪古情何  
極題詩意尙慳安期終不見歎息鬢毛斑

鶴山

洞府北岩裏微茫草逕通潮聲驚席上山色落尊中野鶴何年  
去孤雲與我同謾將遠遊意揮筆向霜風

登華樓

萊州府志

卷十五

藝文詩

九十二

前山後山紅葉多東澗西澗白雲合紅葉白雲迷遠近雲葉缺  
處山嵯峨閑拋書卷踏秋芳扶藜偶入仙人房柴門月上客初  
到瓦甕酒熟兼松香玉皇洞口曉花暗金液泉頭秋草遍藥爐  
丹井尙依稀白雲黃芽今不見長春高舉煙霞外使臣遠出風  
塵界當時人已號飛仙祇今惟有殘碑在人生適意且尊酒莫  
放朱顏空老醜神仙千古真浪傳丹砂一粒原非有迺知造物  
本無物薄命不逢隨意足雲滿青山風滿松何必洞天三十六

三標山

三峯海上接雲平洞裏丹經不識名東望仙舟悲漢武西隣書  
舍憶康成崎嶇百轉泉流遶蒼翠千重夜氣生多病年來忘百

慮獨於林壑未忘情

登勞山

坤軸危分鎮巨鰲山如排戟戰方塵鼓鍾鏗鎔東西院丹碧參  
差大小勞石柱華樓闌海出龍巖獅石倚天高我來無限登臨  
興點染風煙信綵毫

海廟道中

牛斗

草樹蕭蕭一徑通相隨春色過橋東村家抱水滄洲綠島寺消  
煙海日紅杜老空多憂國夢子雲無復濟時風洛陽雁去江魚  
杳回首鄉關路萬程

樓溪

崔廷槐

萊州府志

卷十五

藝文詩

九十二

吾愛紫荆山紅芳被曲徑雖非桃李姿頗宜邱壑性長風吹遙  
林明月散清暎藜筇信所適浮雲本無定邈焉高蹈心終老以  
爲幸

吾愛錦屏岩正立如削玉霜風日似寒苔色淨逾綠平生虎豹  
斑頗眩時人目堅貞閱歲年孤危仍突兀却望倚空冥因之悵  
幽獨

雨中登麓臺

劉應節

山上孤臺臺上亭望中煙樹濕冥冥花枝垂媚春風發草色輕  
濛細雨經老去生涯關地主豪來詩句妬山靈勝遊止此應難  
並車馬何須效五陵

謁韓信祠

仗劍登壇氣獨雄，詎知烏盡却藏弓。  
去畱已誤歸蕭相，生死何須恨蒯通。  
故壘浮雲餘戰氣，秋原衰草動悲風。  
漢皇豈少封侯約，自是將軍不賞功。

與僚佐觀海二首

王世貞

携君躍馬最高峯，海色蒼然盡漢封。  
落日層波明玳瑁，青天孤嶼削芙蓉。  
洲邊大核仙人種，浦外靈槎使者逢。  
起看白雲出天矯，不知何事但從龍。

懸梯閣道望蓬萊，地盡天空鴻雁迴。  
日似海人珠捧出，山疑秦帝石驅來。  
千秋未假徐生藥，六月長畱袁紹杯。  
爲語異時陵陸

萊州府志

卷十五

藝文詩

九十四

改始知塵世有仙才

輓大司寇劉白川孫樊二烈姬

劉士驥

丹成鶴駕去何之，腸斷孤燈照總帷。  
金谷繁華春並老，瑤臺清夢夜相隨。  
紫鸞舞罷覓難返，黃鳥歌來調轉悲。  
媿殺人家楊柳色，輕盈飛絮任風吹。

薤露聲中玉筯揮，傷心駢首繫羅衣。  
自憐紅粉生無補，同赴黃墟死是歸。  
燕子樓空明月在，鳳凰簫歇彩雲飛。  
寒鴉亦識人間恨，常向墳頭叫夕暉。

聚仙宮

徐注

堡戍巡行路轉艱，壯懷無奈鬢毛斑。  
覓消征鷹家千里，夢破啼

烏月滿山樓角聲哀青嶂暮海涯春到白鷗閑太平何處堪投  
隱仙子遺宮煙靄間

觀海

孫錦

小立煙霞日未央竒觀元說在東方碧雲連水天無際雪浪翻  
波夜有光島嶼晴分濃淡色海鷗斜去兩三行臨流覽勝良非  
偶浦樹沙汀共渺茫

康王城行

周思兼

盛夏五月東南行殘霞遙映康王城群鴉低飛斷復續萋萋芳  
草愁雲平阡陌成行種禾黍云是當年歌舞地王孫公子誰畱  
名曲榭雕欄不知處城南古塚高峨峩牧童指此供樵蘇日夕  
萊州府志

卷十五

藝文詩

九十五

牛羊不歸去山北山南人相呼廢寺頽碑莫可讀野人傳訛怪  
且惑煙中每見樓櫓形雨後嘗聞鬼神哭鬼神微茫不易知英  
豪歇絕那得回惟有宮門舊時月年年深夜尚徘徊

贈梁萬斛

梁生有高志結宇傍中林花徑無人掃軒車此日臨衡門春雨  
細孤榻暮煙深不有同心者誰能知子心

登華樓

陳沂

力倦興不淺山竒情更濃下輿聊坐石倚杖又登峯夾澗鳴寒  
澗緣崖秀古松仙宮何處是風落數聲鐘

上苑

琳館四更夜披衣不欲眠潮聲滄海上月色亂峯前松頂露華  
滴岩腰閣影懸此身何所在孤思一飄然

南天門

望入天門十二重  
巖然飛霧半虛空  
千尋不假鈎梯上一竅  
惟容箭括通風氣  
蕩摩鵬翮外日光  
搖漾海波中  
欲求閭闔無人問  
但擬彤雲是帝宮

登艾山

邱 櫛

底事山名艾山應  
艾父多何人  
擷芳草爲我拔  
沉疴泉暗岩交樹  
天低海漾波  
黃公舊廬近  
忍聽阮咸歌

摩雲頂觀海

張書紳

萊州府志

卷十五

藝文詩

九十六

海上曾聞有十洲  
逸人騎鶴恣遨遊  
直超塵世三千界  
親見神仙十二樓  
月帶寒潮浮碧嶼  
雲移芳樹接丹邱  
中流我欲乘槎去  
只恐迷茫犯斗牛

翠屏岩

鄒 善

白雲籠翠屏  
望望淨如削  
坐久澹忘歸  
厓頭松子落

登華樓

千岩萬壑境蕭疎  
幾日幽尋得自如  
疊石遙連滄海色  
華樓高接太清居  
仙人洞悟陽生候  
玉女盆迎日照初  
試問同遊蓬島侶  
可能此地卽吾廬

遊大澤山

閒度樓溪暝色寒相將仙侶躡層巒摩雲頂上饒餐玉邀月臺  
邊剩弄丸群石參差馴虎臥萬松偃蹇老龍蟠乾坤此地堪留  
賞歷盡群峯興未闌

登華樓

劉孝

抱真劉子臥浮邱人到丹成幾萬秋苔合峯門金液冷松蟠龍  
洞玉盆收隋唐瓦落玄元殿山海雲藏獨石樓七十二宮明月  
在不知何處覓仙洲

弔逢萌

唐汝迪

黃虞世遐邈箕穎風熄滅中古待士賤豢驥雜群秣緣茲榮利  
場沉醉浸人骨雲霄未致身青紫志先奪蝸牛競升高翻嗤鈍

萊州府志

卷十五

藝文詩

九十七

者拙喪已鮮色慙胡暇顧臣節國勢丁離披團沙紛蕩折往事  
尋覆軌掩卷欲流血北海有隱君清貞瑩冰雪食貧非所厭獨  
恥效趨謁擲楯不掉頭氣已偃溟渤遊學咀麟經大義皎日月  
維時炎精晦龍戰重陰結奸雄巧簧鼓獻頌塞城闕嗟嗟草玄  
子羨新丐容悅天地失其宰三綱頽然絕朗監燭危機介石不  
終日掛冠東都門片帆遼海濶戴盜哭於市踪跡詎爲譎中興  
晰玄運預占妖氣豁真主御宸極網羅盡英傑豈乏天孫章堪  
補袞職缺素心甘隱淪入山轉秘密大勞連小勞茹芝還採蕨  
葆光真性適熏德善良徹聲價震寰宇徵書星火發託耄罔識  
途堅臥老巖穴鴻鵠摩秋旻虎豹安可繼意者薄雲臺標榜侈

勳烈讖緯附霸圖伊誰稷與契卷舒妙成筭應不媿明哲高風  
滌浮埃廉頑起懦劣東漢尚節義清論懼纖巖大廈雖垂顛支  
撐力猶竭阿瞞恣睥睨至死且哽咽鼎沸國祚綿忠憤見耿切  
世教遡扶培厥功疇云蔑千載臭味同遺像梓里揭習俗方靡  
靡此意漸銷歇空谷喜足音勿漫疑孤潔

桃花洞歌

茅坤

桃花洞垂煙霧深懸崖千尺不可尋中有幽人探竒字衣裳半  
覆薜蘿陰一朝新賦明光入天子臨軒賜顏色貴倖曾傾侍從  
臣華札新自尚書給頃聞待詔屬李公復道承恩講石渠頓回  
方朔金門寵不學枚臯兔苑儒可憐中道豪華改茂陵如昨人

萊州府志

卷十五

藝文詩

九十八

已毀魯國諸生盡去惟平原寡客無朱履

登望海亭

趙耀

孤亭一上思渺然浩蕩真堪納百川風靜魚龍檐底渡雲開島  
嶼鏡中懸濤聲直擬從天上槎影還應向斗邊白首幸逢明聖  
主忘機好共海鷗眠

弔古卽墨城

楊鹽

寂寞荒城裏當年霸業非軍聲喧鳥雀雲影過旌旗草木空棲  
野山陵亂布棋古今消息事能有幾人知

水決濰堤有感

李肇林

我生良非地濰河居上游漂溺如有待食息視蜉蝣故業苦難

移年年慮在秋胡爲五月中霑雨肆虐劉二麥半場野耳生滿  
穗頭鋤禾草不死蔓引一何稠千錢傭一工難供無厭求棄之  
惜前勞弗乘力不凋艱辛萬不辭將來冀有收誰堪河泊怒驅  
浪若犇牛堤散黃濤影湍漩綠草溝登城望我私茫茫付一流  
徒存砥柱樹僅見渙中邱居民乘危聚爲巢讓拙鳩丁男多水  
立未甘餘木浮妻子蓆繁雨不殊麀與塵連屋成漂沫巖城寄  
泛漚勢閱人民恐聲吹鬼神愁陰氣籠餘漲風濤怒未休對衆  
長太息悲語共啾啾縱然全性命饑寒誰代謀常恐雪霜至委  
作溝中體

幸臺懷古

孫鎮

萊州府志

卷十五

藝文詩

九十九

晚登古臺上北風何蕭蕭海空蜃樓滅天廣蓬山遙漢武昔愛  
仙巡遊此招要稅駕當利城山川莽來朝行幄豈不華勢欲凌  
雲霄安期不可待龍顏亦已凋霓旌變浮煙笳鼓散鳴潮地古  
池館盡年深碑版銷如何千載下雄名喪輕飈龍去不再還烏  
啼夜寥寥唯有舊時月依然滿山椒

大珠山

巍巍大珠山其高逼星斗衝擊聞波潮豁爽見陵阜白日落海  
上青天挂峯首劃然古石室玄冥何代剖時時雲霞出夜夜風  
雷走古來棲真仙藥室畱石臼如何縛塵纓不見長年叟我欲  
棄家遊未知終得否

遊大澤山

崔淳

落日尋空谷林深萬壑開鳥鳴山意動雲度水香來入寺花分  
逕聞鐘月滿臺翛然罷塵想身世隔蓬萊

吳生窟室畫松歌

吳生名義之徽之歙人窟室在掖河西石溪園

孫善繼

吳生畫松真竒絕鐵幹龍鱗枝糾結風毛瑟颯看欲動陰崖六  
月生霜雪孤根踞石蔭寒泉突然縮出徂徠山懸蘿挂薜惹煙  
霧歲深積蘚古連錢疑是仙槎斗邊落傳聞頻下青田鶴閒聽  
笙簧滌世情驚濤忽起轉相愕吁嗟乎窟室松曷不亭亭直逼  
丈人峯胡爲乎屈曲偃臥一洞中雲鎖洞門識松意避秦不受  
大夫封請君莫爲山松惜山深翻逃斧斤戾一任群卉競芳歇

萊州府志

卷十五

藝文詩

一百

貞心不改歲寒碧吁嗟乎窟室松下有斗大如雪茯苓生長鑱  
斲取千年質由來此物通仙靈飽服大藥松底眠醒來一嘯萬  
山青

法海寺

周如砥

雲盡寒山石竇開西風古寺一徘徊樹當十月猶青色碑載前  
朝總綠苔護法似聞天犬吠聽經曾有夜龍來須知勝地宜尊  
酒未許夕陽促客回

石城東畔古浮屠峭級穿雲百尺孤四面山嵐團翠靄千年花  
雨暗平蕪人尋鳥道迷南北篆雜蝸文半有無欲問慈航何處  
是寒煙漠漠一啼烏

黃石草堂

崎嶇千澗野雲賒乘興遙遙訪道家門外清泉滋碧草階前白  
鶴啄松花平臺客上凌雲露斜日人歸帶落霞最喜諸真頻見  
戀洞天幾度飯胡麻

翠栢丹楓相映新清波白石故粼粼羽人總解談黃老塵世誰  
知是漢秦樵語每從天外落仙丹自許鼎中真流連歲杪渾忘  
返氣候時時似暮春

過高密

張侗

荷花半落藕初肥人擁殘霞海上歸白鷺不知天在水行行梯  
浪入雲飛

萊州府志

卷十五

藝文詩

百一

卽事爲華陽主人題

千岩飛雨洗虹橋橋上仙人吹洞簫夢與弄珠遊九水一時落  
盡海門潮

謁海廟觀海

黃克纘

元氣茫茫接太清乘春一望水雲平雪花浮浪千層起日色蒸  
霞四散明海上烽銷旗半偃津頭潮落棹空橫馨香好答神靈  
貺莫遣鯨波又震驚

黃石宮

周如綸

鴉鵠峯頭草閣懸幽人愛此學長年地通瀛海川原潤天近扶  
桑日月偏何物笙簫來澗底無端鷄犬下雲邊諸山盡處人間

路得意誰回急水船

遊武官觀道經雙鳳山

畢拱辰

雙鳳何年峙荒祠高下憑蝸涎粘斷磬燐火續幽燈村吠龐疑  
豹堂空虎是僧靈虛方有待促轡不成登

河南行挽錢唐二公作

并序

趙士喆

唐公諱啟泰錢公諱祚徵皆余少年筆研交兩公宦遊中州  
不相聞問者久矣辛巳春賊陷河南諸郡縣兩公死之余嘉  
其節悲其遇推原亂本而作此詩

河南南陽不可問朱邸銀鐺人鬼憤萬姓哀骨髓乾金張積  
鏹高於山一朝天狗過梁野雄都百雉加崩瓦御府環竒散綠

萊州府志

卷十五

藝文詩

百二

林名閨佳冶隨銅馬銅馬縱橫勢莫當可憐澗瀝變沙場驕兵  
列戍提戈戲墨吏連城解印亡嗚呼何日妖氛靖臣節分明功  
罪定忠孝還歸孔孟鄉君不見汝州刺史伊陽令

戰城南

并序

戰城南古樂府也萊城之戰余蓋嘗憑堞飽觀扼腕痛心者  
屢矣解圍後偶閱古詩輒不禁效顰作此痛定思痛情景宛  
然格調之離合所不論也

戰城南戰良苦賊如蛇鼠伏環堵來如風猛如虎礮如雷箭如  
雨使我前弗得前却弗得却顧視城頭但播鼓門夫輕進而善  
奔黃甲者誰觀望畏賊如畏虜可憐大頭蟲孤立無與伍得數

賊級謹遍城嗟我軍民碎腦穴胸血肉模糊安足數悵望西兵  
來不來城南之戰苦復苦

步賈中丞毓祥拜疏請兵之作

半載紳衿換甲裳哀鳴此日拜封章運籌安得王新建授鉞須  
來郭定襄咫尺五雲如可叫蕭條四野正堪傷寄言逆賊休狂  
逞赫赫高皇卜筭長

壬申九月 萊城解圍報

錢謙益

山東盜方熾勦撫策未分援兵頓不進瑟縮蟻子羣萊人易子  
食督師瑱不聞聖人赫斯怒西臺遣監軍王生善推命勸我無  
憂懂謝君足辦賊談笑行策勳旬日邸報至捷書果云云萊城

萊州府志

卷十五

藝文詩

百二

頓解圍登賊祇遊魂惜哉王生術何不獻吾君坐看肉食者薨  
薨聚蠅蚊空樓下梧葉颯如 秋雲呼酒互持勸一笑日已曛

守城詩

周亮工

城南城北鼓聲繁城上烏啼夜入闌雁外天寒烽燧濶弓前月  
冷戰騎殘桑麻忍下窮民淚刀箭空餘長吏癩誰道海濱堪禦  
敵王師無日解征鞍

登大澤山

趙士冕

性愛山光好何辭著屐難峯高脚月白霜重染楓丹古木蒼籐  
合清泉漱石寒寺荒鍾磬杳夜坐不知闌

石門南澗

王 憫

西南還太古巖壑畱勝槩良辰一相携遊賞復我輩山深暖斜  
陽鴻濛餘蒼藹不謂桃花源乃在招提外好鳥悅芳草聲聲春  
欲碎翠濕滴泉香藤老助石怪茶煙上青空綺散學雲態幽光  
發竒壑微吟坐其內意到轉忘言靜與數峯對

黑龍潭道上

膠州大  
珠山

近益愛龍潭並愛龍潭路兩岸壯羣峯峰峯夾蒼素衆芳襍幽  
香我來正春暮似有秦時人其中種桃樹

送李象先遊二勞

國朝

法若真

百餘里外接長松一片青山山萬重鐵骨泥寒仙子塚火雷石  
劈巨人峯碑懸儼偊千年句客睡華陰小市鐘俱說童恢驅虎

萊州府志

卷十五

藝文詩

百四

後二勞不借黑雲封

過東耳石問鄭康成故蹟

石華千丈劈青蓮竒骨孤撐大海天古磴苔涵蠶葉雪懸峯路  
斷鳥巢煙水流洞口疑書響草帶山腰入畫禪不識先生猶在  
否門開花落野溪前

臥龍寺次葉文忠公壁間韻

趙士亮

危峯雲淨近諸天扶醉登臨客裏緣彭澤歸來唯嗜酒坡公老  
去始叅禪風廻遠澗千林雨黛拂晴空十丈蓮我欲買山君莫  
笑武陵有地不論錢

題琳枝椒雨園

年來詩酒領騷壇謝客科頭懶着冠自請尙方歸子舍曾無清  
夢到長安庭前花氣侵書幌樹裏鶯啼理釣竿惟有臨風臺上  
月時時對酌引輕翰

龍溪

王炳崑

策杖尋幽破碧苔薜蘿深處洞門開松間鳥語穿雲出橋畔虹  
光逗日來風動花茵香擁屐樽依柳渚綠添醅夕嵐坐看千峯  
滿月上前村醉未回

龍吟澗

郡東一幅奇山水人罕有到者  
物色自余始因題曰龍吟澗

李森先

癖性偏於山水深探幽得勝號龍吟丹崖怒捲千層雪疊嶂高  
傾萬斛琛日射蒼斑鱗甲動風迴激瀨鼓鞞沉竒恣應愛知希

萊州府志

卷十五

藝文詩

百五

好愧我嘉名錫自今

膠州

時有  
兵變

吳偉業

將已三年憊兵須六郡豪一時緣調遣平昔濫旌旄後顧憂輜  
重前軍敢遁逃只今宜早擊都護莫辭勞

東萊試士喜雨二首

施閔章

滿目明珠絳帳開久晴一日走風雷敢言化雨隨車至應是蛟  
龍出海來

咫尺蓬萊山可移雨師風伯颺靈旂從教滄海添春浪會取珊  
瑚百尺枝

萊州謁海神廟

勞之辨

古廟丹青半畫龍百川東注此能容燔柴大典侔蒼帝沉璧常  
經並岱宗千襪長松寒雪凍歷朝遺碣舊苔封屋樓氣象無邊  
幻直等江河作附庸

虎頭崖觀奇石歌

王士祿

虎頭之崖渤海隅共吉竒絕天下無我聞數思褰裳去風塵羈  
繼空嗟吁昨者得暇事幽討海風十里吹睂鬚到來拄杖沙壩  
側周顧果爾形模殊橫堆數拳紫靺鞨斜迸十丈黃珊瑚更有  
怒猊如雷勢欲突碧者翡翠蒼鷓鴣宛如楊氏五花隊紛然竒  
錯麗且都又如夫差黃池陣如火如墨還如茶側聞羸皇鞭石  
渡海水秦橋如指通瀛壺如何此石偃蹇龍宮鮫室側咫尺不

萊州府志

卷十五

藝文詩

百六

受神人驅吾家遊囊嶽圖舊濶幅署名記是藍田叔嶽色各各  
隨其方青元朱白中黃簇無乃妙畫果通靈風雨奔騰向山麓  
野人有圃郊郭東殘山碣石開玲瓏安得愚公移此去班然互  
峙荒庭中

登大澤西峯至觀音岩宿

西岩尋勝去嘯侶策孤筇橫疊峯千仞盤曲路幾重洞門陰白  
日磴道偃青松一榻禪燈夜悠然物外蹤

憶萊子

時復尋春郭煙光縱目寬山姿濃大澤潮勢泊三韓小立拋藤  
杖微吟側籜冠一尊石凍酒未厭海風寒

委巷柴門接閒情習野農禦寒收海帶供爨斧山松露麩清春  
釀沙杭淨晚春家家資網筏處處狎魚龍

風土看真異圖經載未周海飈常北至河水盡西流磬石綠沉  
似鹽場玉屑侔居人論井味中劃定何由

未學任公子蒼綸問海瀦疏慵真自慣七箸不曾虛飽飯兼魚  
蛋清罇點鱗胥波人剗石鯪此事會憐渠

神山 即寒同

王士正

選勝憑雙屐僊巖隔數弓蒼煙橫大澤涼雨到寒同次第由光  
出微茫海氣通徘徊舒遠目一望盡空濛

弔趙文潛兼懷山公海客兄弟

萊州府志

卷十五 藝文 詩

百七

蹈海存遺直高風古所稀遠摻南史筆 建文年譜  
文潛著 獨食北山薇

石室人終老松椒鶴尙歸未須稱二陸家世本荆扉 石室松椒  
隱居之地

山公兄弟皆  
善詩高隱

咏鄭祠古栢

單若魯

門標道德舊維東古廟沙圍半畝宮草覆兩階裁細帶栢摹十  
丈結高篷虬枝低影曾棲日鐵幹牽蘿幾戰風樵牧何年毀社  
廢殘碑臥砌倩煙籠

萊署小構

甘國璧

正有栽花興人來送牡丹因成小結構聊以供遊觀愛月留虛  
牖憐香護曲欄此中容我拙政簡自民安

玉署無塵到亭虛受月侵綠雲垂柳亂紅雨落花深山鳥喧朝  
夕床書橫古今悠然忘物我城市自山林

瑞蓮亭

陳謙

碧流如帶繞城隅一片紅霞映柳蒲水面清涼西子醉雨絲點  
綴綠珠圖孤亭此地畱名勝並蒂當年記瑞符載酒波心聊寓  
目暗香滿處憶吳歛

望大澤山

孔尙任

蓬山海上來峯峰氣磅礴羣峭衛一尊巍然見大澤雄姿旣蔚  
深秀骨復峻削左控渤澥濤右握岱宗絡日月相蔽虧風雨自  
橐籥靈竒闕混茫餘妍發邱壑落落挺長松粲粲羅仙藥丹泉

萊州府志

卷十五

藝文詩

百八

白石間真構隨所托結氣含青華遊目極 廓何當躡層顛一  
馭浮邱鶴

望海

劉以貴

縱觀東海與天通豈容蠡測量神功地比中國還有九環以大  
瀛水色黝鯨魚身長二千尺怒隨潮上離窟宅拔取鯨牙大於  
椽骨節專車今猶昔齊諧志恠何足恠海上異聞迭有獲蝦鬚  
如竿驚舟子夜起火光照水赤大塊噫氣自噴薄呼吸潮信雪  
浪拍視月盈虛磁引鐵子母相從無改移海湧旭曜人浪說直  
憑目力決黃雌日廣坤維六千倍海底難容伊誰知骨利幹脾  
熟卽曙雪山三更見朝曦坎水常流兌剛鹵潤下作鹹演自箕

日行周天繞地走鳥民攀嶼漫相窺鼉吼波濤撼山陵芄芻禾  
黍畏讎凝萬壑宗兮百谷納魚飲海水人不能物性差異原如  
此莫效夏蟲詫春冰

白雲庵二首

宿鳳翀

瀑水分青嶂孤峯駐白雲山花人見少開落自紛紛  
室靜雲留榻林深鹿臥苔束薪煮白石山竈引泉來

雪後望勞山

楊還吉

北風吹雁雁羣斜一帶寒林雲半遮倚杖難尋黃石跡開簾獨  
對赤城霞雲煙蕩海孤村出梵寺鳴鐘樵徑賒記得石門山下  
路誰將嶺雪遺烹茶

萊州府志

卷十五

藝文詩

百九

己亥秋膠西大水死亡相繼請命詣省途中感成四首

成永健

水沒膠西地艱難萬事非如何秋又老空對是斜暉白日窺寒  
杵青霜點客衣可知沙浦外哀雁更無依

積潦深秋在瘡痍轉徙頻空爲繪圖者誰作發倉人白骨魚龍  
委殘生虎豹隣那堪復征斂何計出沉淪

我到慚司牧茫然萬慮攢牛羊垂欲盡秦越忍相看暮雨連愁  
濕西風作意寒菊花亦寥落英在不能餐

牒上無消息傳聞慮更深敢辭千里役欲碎一秋心報國惟風  
袖澄懷祇玉琴况當楊震地清節到如今

王臺行

王臺邨邊婦夜哭夫死路隅女已鬻女聞走哭枕父尸哀鵠啼  
猿聽不得行人淒惻各淚垂霾霧冷風暗山谷對此酸心復蹠  
跼何人袖手空縮朒使君羸馬泥鹿鹿倒橐典衣女爲贖溝壑  
難回旣死魂尸素空縻大府祿吁嗟豪華厭梁肉管絃夜飲猶  
不足

沽河行

沽河岸上春樹枯河榮社裡春草無樹皮作食草根盡青春慘  
淡昏鴉呼去年河漲蛟鰐吼家家廬舍十去九積骸拋棄葬成  
邱孤獨流離寒露肘何人宴飲還酩酊城狐肆毒猶紛囂赫然  
震電明秋毫蕪穢迅掃天風高天高剝極數不返倉皇補救事  
已晚蛟背忽復當邱山驚力不惜下長阪長阪直下沽河隈沙  
飛濤起聲喧虺河榮河榮亦何奈吞聲相向心徒哀

鰲山晚發

藍啟肅

驅車薄暮望蕭瑟動林垆日落晚峯翠雲濃歸路冥人聲依遠  
浦漁火聚寒汀更有河洲鴈哀鳴不可聽

自齊長城至海

張謙宜

十二長城遮海上千秋陵谷野人居曾摩鳥道探鵲鬣髮沐龍  
腥取鰻魚險僻山畱庸子墓鴻濛鬼秘栢倪書來遊辛巳冬之  
日大壑飛霜萬樹疎

古槐行

膠水堂前兩喬木

平度州漢之膠水縣

歲月寢久恣離竒鱗皺突兀排空

起老枝已秃橫枝歆驚鸞斜掠刷劍翮怒蛟騰上撐槍鱗夜與

風雷幾百戰繁霜毒霧焉能欺空腔外裂筋骨健根深柢固靈

液滋新芽努出古苔剝營巢老鳥旋空飛莫來哺穀相點汗大

樹肸蠻生神威

樹在祀典常以臘月祭之故以馮翼為比

豹竹澗

距平度城東十三里山形展屏兩峰對峙如縮髻以此得名  
大礪中分傑閣為門水流其中右旋磴道乃至平地行數武  
溪源泓湛躡級北上為殿者三皆鑿山為之東為丹房有襍

萊州府志

卷十五

藝文詩

百十一

花藥草詢豹竹所在伐絕六十餘年今但有松亦未喬密蒐  
殘碣元至元壬辰重修一名晴谷按州志唐之雲臺觀開元  
二年創始云

久已艷此名疑是大澤

麓州北大山以多泉得名

今知別一山窈窕藏晴

谷虬松蟠石間搖蕩天風綠樹杪涌飛甍閣跨溪流曲礪道疊  
魚鱗其聲如珮玉盤紆斲磴斜清泉在平陸拾級上坡陀桃花  
映茆屋指點問黃冠久絕豹紋竹移種亦不難名實當相副約  
畧四五年碧筠森似束吾儻再來遊或能歌淇澳

古樹行

高密城南老酸棗閱世一千三百年臃腫輪囷枝葉盡勿剪勿

伐藜祠邊渾身籀文左蟠屈虬龍遺蛻骨節堅今時人家成聚  
落謂有鬼神居其顛去年大風記災異此樹崩拆根柢翻父老  
悲嘆爭扶起埋之漚麻濁水淵浸灌杈枒尙未朽支離突兀凌  
雲煙自古不材當大壽死而不死由蒼天生無嘉賓衆所棄赤  
心蒼皮空連蜷文廟祇今缺俎豆樹如銅鐵堪瑀鑄畱之百世  
成法物丹漆雖斃形質全聖賢護持誰敢壞此木脫壳如登仙  
我作此論誰見聽低徊不語心悄然嗚呼康成遺書久煨燼古  
物於今何有焉

烈婦詞

爲高都統  
妾李氏作

鍊心鍊骨不可回幼婦爾何竒曾在軍中聽鼓鞞鼓聲淒絕將

萊州府志

卷十五 藝文 詩

百二十一

軍死生平辛苦今終矣布衣椎髻眼枯無淚四日不食負勁氣  
坐殉於臯比音皮正位嗚呼越女吳姬劇可憐生相嬾死棄捐鄉  
里之產獨不然以直報所天爾非巾幗乃大賢吁嗟乎顏子之  
年

華樓

周 緇

石路眇秋毫縈迴攀薜荔絕壁蔭長松紛披煙光麗直訝龍虬  
搏還疑鬼恠砌天風下縹渺豁然遺塵世飛仙屬何代委脫懸  
崖閉感歎百年身極目川流逝竒峯走海隅翠屏矗雲際且復  
援良朋徘徊聽鶴唳

長歌行

甲平度竇貞烈  
韓夫人雙節

趙泰臨

楊花吹落散晴空北山松柏固西風陵谷遷移幾朝暮歲寒心  
節畱鴻濛憶昔烽火徹甘泉防秋不度盧龍垣魚書空發折衝  
府捲甲東潰姚令言大掠歸來叩郡郭草谷餘威動地括孤城  
獨立當兵衝黑雲覆壓雉堞落挺身直見竇公節力爲國家濺  
頭血義激閨中烈丈夫此身誓與郎君訣乾坤雖大無容趾何  
必墳頭生連理銅馬乞哀非夫矣草間苟活豈女子殉國殉夫  
任嘖嘖凜凜如生畱壯色風義於今感後人何況當年褫亮魄  
嗚呼委城伏竄紛成陣生也不佩名城印衣紉多少謀遠遁生  
也不聞登華近讀書早識獨行傳偃蹇恒薄凝碧晏千秋名義  
重如山一肩獨任存素面當時乞命殊倉卒轉眼城邊餘枯骨

萊州府志

卷十五

藝文詩

百十二

燐散沙場八十年生死於今俱悠悠竇公夫婦姓名香歲歲春  
風薦野棠常畱正氣還天地山頭日夕立蒼茫

長城口

趙克廷

薄田凋敝不宜秋古堞陵夷咽斷流誰道畚聲傳舊怨却煩犁  
徑斷新愁有無鍬馬鳴邊柝多少簔衣枕戍樓爲問長溪霜夜  
月楚與齊也只荒邱

寇烈婦行

松柏肅肅城南路霜威凜冽春不度蓬門屹立古井上行人指  
點殉夫處楊家新婦寇家女弱齡植節古無侶生小裁縫與井  
臼尋常未識女論語連理樹斷比翼折此心誓與重泉潔婉語

低徊慰姑嫜沉思密計衣百結荒原寒悄陰風厲青燐明滅薄  
衣袂微身已許踐螻蟻晨汲忍復爲長計天宇仰視牛女耀色  
正芒寒兩相弔豈爲天地植綱常不負魂魄畱海嶠只今過客  
白楊陌桔槔聲裡問遺宅沉吟起立三太息古云大義畱巾幗

汛鄉城

楊玠

霽雨盲風會葬行連鑣取道汎鄉城桑垂野徑鳩爭醉麥秀高  
原犢罷耕童叟競傳唐壁壘圖經不悉漢名聲河山帶礪銷沉  
久底事難忘太上情

午餉炊成墟里煙居人粥熟日流傳金章四葉空侯國草色千  
秋迷漢年壯武西瞻俯沾水臯虞東指近溫泉卓家世德堪祠

萊州府志

卷十五

藝文詩

百十四

廟誰樹豐碑表故阡

田橫島

趙熙斐

汜水火炎來漢節偃師城外聲嗚咽英雄慷慨擲頭顱霸業已  
隨劍光滅同仇壯士把魚腸都將頸血謝齊王魄化青燐依海  
嶼魂逐寒潮憶洛陽滎陽舊事還如昨紀信一死高皇脫秉傳  
中道刎田橫可憐五百填溝壑溝壑千年恨未平終當意氣籠  
韓彭藏弓烹狗亦何爲至今俠骨誰錚錚赤帝山河如轉燭滿  
眼興亡難更僕島雲日暮黑漫漫啾啾夜雨山鬼哭

遊華巖庵

高鳳翰

爲訪華岩海上行仙山樓閣眼初明盤空磴折松爲檻掛月風

寒玉削屏孤塔遙連潮色動危岩倒看澗雲生不知下界通何處一路煙霞接上清

遊華樓夜入華陽書院

張大咸

路黑尾人聲深崖厨火青松鳴千嶂雨壁掩半天星海月隨鐘起山煙共鳥停不逢驄馬客唯見草玄亭

和張二酉宿華陽故侍御藍公別墅原韻 馮文炳

謝傅東山草屐痕萬古青縱遊時伴月執法尙垂星石拆泉爭發林深鳥自停夜樓誰載酒獨醒薄雲亭

弔明太守朱公萬年

嚴有禧

撫叛原知挫國威孤忠慷慨赴危機茫茫功業隨流水剩有丹

萊州府志

卷十五

藝文詩

百十五

心照紫薇

不辭碎首殉孤城野老年年泣絮羹館閣已成前代史英名萬古震東瀛

遺愛祠落成詩以紀之

東萊古名郡吏治多英傑屈指首關西卓爾標清節上下千餘年偉績頻昭揭遺愛人人深奉祀世勿絕忽遇黑風吹祠宇遭傾折像汨污泥中明禋頓廢缺鉅典棄荒煙父老聲哽咽比余夾鹿來聞之心沸熱卜地西南隅命工勤据拮因堅易其圯前後皆軒潔博採月旦評木主森森列置戶供灑掃春秋俎豆設寄語宦遊人墻東有片碣

郡城濠久湮余至命工疏鑿之徧蒔芰荷明年花太發兼  
有並蒂一株詩以誌瑞

依然柳外漾晴波勝事欣傳出水荷水試新粧峩兩髻群舒艷  
綵捧雙娥風前古堞凝香靄堤上穹碑映綠蘿聞道當年徵瑞  
應佇看四野報嘉禾

詞

高太傅祠堂

調寄滿江紅

趙熙斐

鼎去燕臺尙半壁金陵如畫南渡後阿誰負國依稀阮馬

公署竹園

書屋有江左可寧誰負國之句

丞相空陳收復策

公受命陳新政八事

君王願把山河借

看北軍談笑過長江飛來也 蔣山上芙蓉謝白門外斜陽下

更胭脂井冷後庭歌罷磊落忠魂留竈竹蕭條遺廟隣僧舍老

中書涕淚守荒祠風前灑

公孫瑛弘光時恩蔭中書廬於祠側年八十卒

登珠山絕頂

調寄金縷曲

我愛珠山好聳孤峯千尋繡壁去天多少白眼偏宜高處望下  
視層巒都小更蒼翠青青未了霜冷空林久跡斷祇遠公廬舍

萊州府志

卷十五

藝文詞

百十七

隣荒島看一縷炊烟裊

從來景物供平聲

憑弔問當年西村詞

客幾番登眺

明詩人王无竟住大珠山西時遊憩於此

名士風流消歇盡今日王孫

重到對碧海扶筇長嘯立久渾忘身已倦漸蕭蕭衣帶閒雲繞

聽耳畔寒聲悄

著述

周

晏嬰晏子春秋十三卷

甯戚相牛經一卷

漢

費直易二卷

庸譚古文尚書二卷

鄭玄諸家音十五卷

六藝論一卷

今字石經尚書八卷

萊州府志

卷十五

著述

一

三禮目錄一卷

左氏膏肓九卷

尚書緯三卷

伏勝尚書大傳三卷

易緯稽覽圖七卷

儀禮十七卷

喪服經傳一卷

禮緯三卷

孝經一卷

箋毛詩詁訓傳二十卷

鄭志八卷

古文尚書九卷

尚書中候五卷

尚書釋問四卷

周禮十二卷

禮記十二卷

喪服譜一卷

古今論語十卷

乾鑿度二卷

毛詩故訓二十卷

徐幹中論二十篇

晉

徐苗五經同異評

五代

韓熙載格言五卷

文集五卷

宋

鞠常文集二十卷

吳奎嘉祐時政記一卷

綦崇禮北海集六十卷

孫祖德論事七卷

萊州府志

卷十五

著述

一一

王嵎北海集二卷

明

黃福忠宣公文集

毛紀鼇峯類藁十八卷

海廟集四卷

藍章勞山遺稿一卷

八陣合變圖說一卷

藍田藍侍御集十卷

東歸倡和集一卷

崔廷槐樓溪集四卷

劉應節薊門奏議八卷

沿邊軍籌九卷

四鎮三關志十卷

白川文集二十四卷

郭尙友漕撫奏疏四卷

周鴻圖長田哈勻捷錄三卷

畢拱辰蟬雪隴言六卷

宋統殷虛亭偶筆役言集

周如砥文集十卷

道德經集義

范鍊金周漢葆光

綠箇軒集

張爾忠曹砭罪畧二卷

趙佐讀禮三錄

賈毓祥西臺封事一卷

周如綸什一草

周如錦紫霞閣文集

萊州府志

卷十五

著述

三

黃宗昌侍御奏疏一卷

勞山誌

藍再茂實政錄二卷

王漢易注二卷

張忻歸園日記一卷

劉允浩大節錄一卷

劉重慶奏疏一卷

王萬象奏疏一卷

高弘圖經濟文集八卷

國朝

王曦如遺書一卷

李裊奏議一卷

李森先諫草一卷

法若貞諫垣疏稿一卷

法若眞黃山詩集十卷

陳調元諫垣奏疏一卷

趙士喆建文年譜二卷

張洽疏稿一卷

張若獬三田記一卷

李世鐸易意四卷

藍潤聿修堂集四卷

萊州府志

卷十五

著述

四

單若魯詩集

張含輝蜀草一卷

西行記一卷

滿必發龍隱軒詩集一卷

郭琇疏稿六卷

張志棟奏疏四卷

姚章周易引蒙十四卷

張應桂奏疏一卷

毛霽平叛記二卷

王懿奏疏一卷

劉以貴藜乘集二卷

周易本義析疑四十卷

楊還吉燕臺集

雲門草

張謙宜四書廣註

四書質言

四書疏義

尚書說畧

古文叢話

文集二卷

稚松詩集二卷

毛貢自笈草

研北隨草

掖水志林

楊銘鼎浮橋齋集

黃埒夕霏亭詩

鶴峪山房文集

露華亭詩餘

萊州府志

卷十五

著述

五

胡翔瀛柳溪碎語

范士驥四書註解

易經集解

楊玠清溪文集

黃鴻中容堂集